

Saj Yeeb Dawb Meth

California Dental Association
MUS RAU PEM SUAB. UA KE.

Yeeb dawb meth-amphetamine yog ib hom tshuaj muaj zog zoo xws li cov tshuaj txhawb zog cev adrenaline. Muab nws nqus ntawm qhov ntswg tau, haus tau los yog txhaj tau. Yeeb dawb meth, zoo xws li tshuaj txhawb zog cev adrenaline, uas rau lub plawv dhia ceev, ntshav siab, ua pa ceev, cov leeg zawm ceev, ntsiab muag loj tuaj, lub cev tso qab zib thiab rog mus rau cov hlab ntsha thiab txhawb lub hlwb muaj zog ntxiv. Cov tshuaj amphetamine ua rau kom tsis hnov tshaib plab tsuas hnov xis nyob, muaj siab los yog zoo siab. Meth kuj ua tau rau tus neeg ras heev, npau taws, ntshai los yog ntxhov siab. Cov hmoov yeeb dawb meth no neeg tis ntau lub npe hu -- crank, crystal, speed, chalk thiab ua rau neeg “muaj yeas” mus ntev tshaj yeeb dawb; ntev lawm 12 teev tsis yog ib teev xwb. Zoo sib xws li lwm cov tshuaj yeeb uas quav taus, thaum chiv thawj yeej txaus siab heev tiam sis tom qab ntawd yuav chim siab lawm.

Muaj ntau cov lus ceeb toom qhia txog kev hniav lwj los ntawm cov tshuaj kua qaub thiab hniav yaig uas muaj nyob rau hauv cov yeeb dawb meth, xws li cov tshuaj anhydrous ammonia (muaj nyob hauv cov tshuaj chiv), tshuaj phosphorus liab (muaj nyob hauv cov ntais ntawv txhuam) thiab cov tshuaj lithium (muaj nyob hauv cov roj teeb), uas yog thaum twg muab haus los yog nqus ntawm qhov ntswg ces yuav ua rau txheej hniav ploom saum toj yaig; tiam sis qib hniav lwj taus li no yuav yog los ntawm ntau yam tshuaj yeeb sib txuam uas muaj cov tshuaj hob thiab cov kev hloov ua rau lub [qhov ncauj qhuav dej](#) (qhov ncauj qhuav), kev tsis tu lub [qhov ncauj kom huv si](#) mus ntev heev, kev haus cov dej muaj calorie ntau heev, kev haus cov dej ua npuas thiab [zom hniav](#) thiab zawm hniav.

Tej txhia neeg siv cov yeeb dawb no paub hais tias lawv cov hniav “dub, tsuas, lwj, tawg los yog poob.” Cov neeg siv cov yeeb dawb meth cov hniav yuav tsis lwj zoo sib xws. Tsab ntawv ceeb toom hauv xyoo 2000 ntawm phau ntawv *Journal of Periodontology* pom hais tias cov neeg nqus cov tshuaj yeeb ntawm qhov ntswg yuav muaj cov hniav lwj phem tshaj cov uas haus los yog cov txhaj, txawm tias txhua cov neeg siv yeej puav leej ntsib teeb meem hniav lwj. Feem ntau, yuav cawm tsis tau cov hniav thiab yuav tsum tau muab rho tawm. Mus ntsib ib tug kws kho hniav CDA kom ntsuam xyuas txhij txhua thiab sib tham txog cov kev kho uas muaj.

Yog koj siv cov yeeb dawb methamphetamine los yog paub leej twg siv, peb pom zoo kom mus ntsib tus kws kho mob sai npaum li sai tau.

